



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 14. Ecclesia Hierosolymitana. Fulco Rex.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

§. XIV.

Sæcul. XII.
A.C. 1131.

Ecclesia Hierosolymitana. Fulco Rex.

Hierosolymæ Stephanus Patriarcha factus functus est anno millesimo centesimo trigesimo, biennio, ex quo Pontificatum susceperat, necdum completo. A non nullis veneno periisse dicebatur. Illud vero exploratum esse ferebant, ipsum Regi Balduino, se in ultimo morbo invisenti & interroganti, ut valeret, respondisse: *Domine, in eo statu sum, in quo me esse voluisti.* Stephani Successor fuit Guilielmus S. Sepulchri Prior, vir simplex & in literis mediocrem in modum versatus, sed optimo vultu & a moribus commendatus. Natione Flandrus erat, Regique & Principibus & toti populo carissimus, annos quindecim Sedem Hierosolymitanam tenuit.

G. Tyr. 13.
c. 25.

c. 26.

Anno sequente millesimo centesimo trigesimo primo Rex Balduinus, sentiens se propediem moriturum, e palatio, abjectis omnibus Dignitatis suæ insignibus, egressus, in Domum Patriarchæ deferri voluit, quo Sancti Sepulchri Ecclesiæ prior esset. Ibiq; vocatis ad se Melisandæ filiæ suæ natu majori, Comiti Fulconi Genero suo, ipsorumque filio Balduino, annos duos nato, cum Patriarcha, Episcopi & complures Optimates præsentibus essent, Regnum, liberrimam potestatem

c. 28.

X x 5

statem

Sæcul. XII. statem & paternam suam Benedictionem
A.C. 1131. impertitus est. Mox habitum Monachi
 indutus, vota se illi Instituto annexa ser-
 vaturum promisit, si convalesceret. Ita
 obiit Rex Balduinus Burgenfis vigesima
 prima Augusti anno millesimo centesimo
 trigesimo primo, & penes duos Anteces-
 sores suos ad Sanctum Sepulchrum sepul-
 tus est.

Fulco Balduini gener & Successor
 Lib. XIV. prius erat Comes Andegavensis, Cen-
 6. 1. manensis & Turonensis, Filius Fulconis
 Rechini, & Betradæ seu Bertelæ Mont-
 fortia, quæ deinde Philippo Regi nu-
 pfit. Fulco junior primis nuptiis duxer-
 rat Guiburgam filiam Eliæ Comitis Ce-
 nomanensis, ex qua duos filios & duas fi-
 lias suscepit. Uxore autem defuncta
 Hierosolymam peregrinatus est, ubi an-
 no uno centum equites suis sumtibus
 alens, Regis Optimatumque gratiam
 iniit. Domum postea reversus, liberis
 suis in matrimonio collocatis & compo-
 sitis Reipublicæ negotiis, a Rege Baldui-
 no Hierosolymam revocatur, qui eum in
 generum elegerat. Porro Fulco solemn-
 Ritu in Festo Exaltationis Sanctæ Crucis
 decima quarta Septembris in Ecclesia S.
 Sepulchri a Guilielmo Patriarcha corona-
 tus, quamvis tunc sexagenario major ef-
 set, annis exinde decem Regno Hieroso-
 lymæ præfuit.

§. XV.